



ENTROIDO 2023

BASES CONCURSO, DESFILE E FESTIVAL DE MURGAS, COMPARSAS E CARROZAS DE RIBEIRA

1.- O Desfile de Murgas, Comparsas e Carrozas así como o Concurso de Murgas celebrarase en Ribeira o domingo 19 de febreiro de 2023 en horario de tarde; o festival das murgas e comparsas infantís será o sábado 18 de febreiro, ás 18 h no auditorio municipal).

2.- Establécese o seguinte número de integrantes e idades por participante:

2.1- As Murgas e Comparsas na **categoría adulta** deberán estar formadas por un **mínimo de 12 participantes** maiores de 16 anos, sen límite máximo (poderán incorporar nenos/as sen número máximo).

2.2- As murgas e comparsas (non haberá carrozas nesta categoría) **na categoría infantil** deberán estar formados por un **mínimo de 18 participantes**, ademais deberán contar con 1 adulto (como máximo) por cada 5 nenos/as.

2.3- As Carrozas deberán estar formadas por un **mínimo de 6 participantes** maiores de 16 anos, sen límite máximo (poderán incorporar nenos/as sen número máximo).

Enténdese por carroza, a estes efectos, unha estrutura de grandes dimensións sobre rodas, ben sexa autopropulsada ou remolcada, confeccionada ao efecto e convenientemente deseñada e decorada. As carrozas deberán cumprir o esixido no Anexo 1 adxunto e respectar a normativa de seguridade aplicable. Non poderán inscribirse como carroza turismos particulares decorados.

3.- As Murgas, Comparsas e Carrozas deberán representar a unha asociación, entidade ou agrupación de interesados/as. As murgas, comparsas e carrozas serán seleccionadas pola organización tendo en conta en primeiro lugar a antigüidade de participación neste evento e en segundo lugar a data e número de rexistro da súa inscrición no festival.

4.- Establécense as seguintes categorías/modalidades:

a) **Murgas categoría adulta** (formada por persoas adultas na súa maioría, dende os 16 anos incluídos): Máx. 10 agrupacións, das que 6 serán do termo municipal e 4 do resto de Galicia. De non cubrirse os máximos admitiranse todas as solicitudes presentadas que reúnan os requisitos destas bases.

b) **Murgas categoría infantil** (formada por nenas e nenos, ata 15 anos incluídos): Máx. 5 agrupacións.

c) **Carrozas de Entroido** (formada por persoas adultas na súa maioría, dende os 16 anos incluídos): Máx. 5 agrupacións.

d) **Comparsas (categorías adulta ou infantil):** Máx. 5 agrupacións.

5.- Para ambas as dúas categorías das Murgas (infantil e adulta), as letras deberán ter unha extensión máxima de 2 cancións, non superiores no seu conxunto a 70 versos, nin cunha duración total superior a 10





CONCELLO
DE
RIBEIRA

(A CORUÑA)

Declarado Municipio Turístico Galego

minutos (incluíndo música, posta en escena e coreografía), quedando excluídas do premio aquelas actuacións que superen os 10 minutos de duración.

6.- O vestuario debe estar en consonancia con algún dos temas principais das letras das murgas ou un tema de actualidade, temática de Entroido ou interese xeral.

7.- Poderanse introducir elementos complementarios en relación coa interpretación dos temas e letras, sempre que non constitúan un risco nin perigo para a cidadanía ou motivo de ofensa á honra e dignidade das persoas, **asumindo o representante de cada murga ou comparsa a responsabilidade ante reclamacións de terceiros que puideran xurdir en canto ás letras, músicas, vestiarios e outros.** Unha **Comisión Avaliadora** encargarse de examinar as letras das murgas previamente co fin de que non conteñan elementos constitutivos de discriminación, incitación á violencia, calumnia, falta de respecto á honra e intimidade ou outros; a comisión estará presidida polas concelleiras de Cultura e Igualdade, contando coa directora do CIM, a normalizadora lingüística e un programador cultural do Concello de Ribeira.

8.- Establécese como **data límite de inscrición o xoves 9 de febreiro de 2023, antes das 13:30 h, no Rexistro Xeral do Concello** (presencial ou de xeito telemático a través da sede electrónica) **ou de xeito presencial entregando as solicitudes e o resto da documentación no Centro Cultural Lustres Rivas.** Entenderase que a non presentación dará lugar á non participación no Festival de Murgas.

Xunto coa solicitude de participación, achegarase obrigatoriamente a seguinte documentación:

- **A letra/s da murga - debendo ademais presentalas en soporte dixital xunto ao logo identificativo da agrupación (cd, pendrive, email...)**
- **Relación dos integrantes do grupo (Murga, Comparsa ou Carroza), co nome e apelidos de cada participante, así como o nome da Murga, Comparsa ou Carroza.** No caso de non tratarse dunha entidade deberán presentar fotocopia de DNI de todos os integrantes e aplicaráselle o IRPF correspondente á gratificación e/ou premio que corresponda.
- **Tamén haberá que nomear un representante de cada grupo ante o Concello, que deberá entregar fotocopia do DNI e datos fiscais (CIF da entidade) e IBAN orixinal da conta bancaria da entidade para o pago da gratificación/premio correspondente.**

9.- O cronograma do desfile e festival de Murgas e Comparsas (día 19 de febreiro) será o establecido a continuación:

- **O evento comezará cun desfile polas rúas da cidade.** Todas as murgas, comparsas adultas e carrozas inscritas comprométese a tomar parte neste desfile, quedando citados no lugar e hora que a organización estableza, así como a animar a ruada durante o percorrido. As murgas e comparsas infantís poderán participar no desfile voluntariamente e previa coordinación co área de Cultura.
- Unha vez rematado o desfile comezará o Festival, no escenario preparado para tal fin pola Concellería de Cultura. **No festival só actuarán as Murgas Adultas por ser a única categoría con fase de concurso. Todas elas actuarán por orde alfabética.**
- Ao remate do Festival procederáse á **entrega dos premios** (na categoría de Murgas Adultas e Carrozas) **así como as gratificacións** ao resto de murgas, comparsas e carrozas participantes mediante a entrega dun diploma acreditativo, que será canxeable polo importe sinalado no mesmo, e faranse efectivos mediante transferencia bancaria nos días posteriores ao festival. **A non presenza do representante designado por cada murga, comparsa ou carroza no momento da entrega dos diplomas e galardóns, considerárase motivo de renuncia á gratificación e/ou premio correspondentes**, que inmediatamente pasarán a disposición da organización.

10.- **As murgas e/ou comparsas infantís** inscritas realizarán a **exhibición** dos seus bailes e cancións, no Auditorio Municipal de Ribeira o día **sábado 18 de febreiro de 2023 ás 18.00 h** co obxectivo de non alongar en exceso a fase de concurso de Murgas Adultas e Carrozas. Ao remate do mesmo recibirán as gratificacións





CONCELLO
DE
RIBEIRA

(A CORUÑA)

Declarado Municipio Turístico Galego

mediante a entrega dun diploma acreditativo. A non presenza do representante designado participante no nomeamento da entrega de diplomas considerarase motivo de renuncia á gratificación.

11.- Establécese a contía total de 6.000,00 € para o festival (3.000 € para as gratificacións e 3.000 € para os premios), segundo o seguinte sistema de reparto para as distintas categorías e/ou modalidades:

11.1.- Gratificacións por participación:

- a) POR CATEGORÍA/MODALIDADE:
- Máx. 200 € para cada Murga Adulta
 - Max. 200 € para cada Murga Infantil
 - Max. 200 € para cada Carroza de Entroido
 - Máx. 200 € para cada Comparsa (infantil ou adulta)

b) POR AMBAS DÚAS CATEGORÍAS:

No caso de que algunha asociación estea representada nas **dúas categorías/modalidades** a gratificación será en conxunto por importe máximo de **295 €** (os membros de cada unha das murgas -infantil/adulta- ou comparsas deberán ser diferentes entre si e acadar os mínimos requiridos).

Nota: No caso de que as gratificacións aos grupos participantes excedan a contía total destinada aos mesmos o reparto será proporcional entre todas elas ata o límite establecido. Ás gratificacións aplicaráselle a retención fiscal que corresponda segundo a lei.

11.2.- Premios fase concurso:

As murgas na categoría de adultos, optarán aos seguintes Premios:

- **Primeiro Premio: 1.000,00 €**
- **Segundo Premio: 500,00 €**
- **Terceiro Premio: 300,00 €**

As carrozas de Entroido, optarán aos seguintes Premios:

- **Primeiro Premio: 850,00 €**
- **Segundo Premio: 350,00 €**

11.3.- As Murgas adultas e Carrozas premiadas no concurso quedarán excluídas das gratificacións e as murgas infantís e comparsas, só recibirán gratificación por participación segundo o establecido no apartado 11.1 destas bases.

11.4.- Para poder acceder a calquera das gratificacións ou premios é necesario facer o percorrido completo do desfile para as murgas, comparsas adultas e carrozas.

12.- Para determinar os premios existirá un **Xurado que estará composto por seis membros: tres profesionais (un por cada categoría a valorar: Letra e Música; Vestiario, Maquillaxe e Perruquería; Posta en escena), a Concelleira de Cultura -ou quen designe- que ostentará a presidencia do mesmo, un membro elixido ao azar polo público e un secretario/a. Cada membro terá dereito a voto podendo outorgar 1, 3 e 5 puntos respectivamente. A secretaría do xurado recaerá nun representante da Área de Cultura, con voz pero sen voto. A votación das Carrozas será ao remate do Festival de Murgas (sendo examinadas polo xurado durante o desfile previo ao mesmo). Para o concurso de murgas adultas, a votación será inmediata ao remate de cada unha das actuacións. A decisión do Xurado será inapelable. En caso de empate priorizarase o criterio do xurado xa que os premios son individuais e indivisibles.**

13.- Todas as murgas, comparsas e carrozas participantes aceptan estas bases e criterios no momento da súa inscrición no festival. A organización será competente para resolver calquera dúbida xurdida das presentes bases.



FIRMANTE - FECHA

MANUEL RUIZ RIVAS(P1507400H-CONCELLO DE RIBEIRA)-ALCALDE PRESIDENTE - 09/01/2023
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 09/01/2023 15:07:09

EXPEDIENTE ::
2023CONV000001

Fecha: 09/01/2023

Hora: 00:00

Und. reg: REGISTRO GENERAL





ANEXO 1 ÁS BASES DO CONCURSO DE CARROZAS DO ENTROIDO DE RIBEIRA 2023.

1. Cabeza tractora:

Cada carroza contará cun tractor ou medio de locomoción que o remolque durante o percorrido. En caso de camión-carroza, non será necesario outro vehículo para remolcar.

Os vehículos a motor cumprirán o establecido no RD 2822/1998 (Regulamento Xeral de Vehículos) e deberán contar con: permiso de circulación, de inspección técnica (ITV) e os seguros correspondentes, baixo responsabilidade das persoas que figuren como inscritos.

Os choferes deberán contar co permiso de conducir apropiado para cada vehículo con remolque, que deberá estar en vigor á data do evento.

Por motivos de seguridade, a Policía Local poderá realizar controis de alcoholemia e/ou drogas segundo lexislación vixente.

Os condutores cumprirán o establecido no RD 818/2009 (Regulamento xeral de condutores).

Prohíbese o consumo de bebidas alcohólicas.

Os vehículos de arrastre deberán ter cheo o depósito de combustible para evitar problemas durante o percorrido pola cidade.

2. Remolques – carrozas:

As medidas mínimas serán dun longo de 5 metros, dun ancho de 1,8 metros e un alto de 2 metros.

As medidas máximas serán dun longo non superior aos 8 metros, dun ancho non superior aos 2,5 metros e dun alto non superior a 4 metros.

En ningún caso se poderán exceder as medidas establecidas.

Non deberán posuír elementos cortantes e contar con faldóns que protexan e oculten as rodas.

Os elementos con puntos de ancoraxe automáticos serán facilmente desmontables e non poderán sobresaír dos laterais.

O decorado será de material ignífugo.

Os equipos de son e de luz terán que ir protexidos e ocultos.

Débase evitar utilizar iluminación mediante velas, petróleo, gas ou calquera outro tipo de combustible.

Por motivos de seguridade non se permitirá a reposición de combustible, deberá estar suficientemente dimensionado para evitar a reposición ou levar un grupo de reserva.

3. Normas xerais:

Deberá levar un mínimo dun extintor homologado e revisado por carroza.

A eficacia mínima do extintor debe ser 21A-113B.

Evitarase a utilización de dispositivos lanzallamas nin pirotecnia.

Declaración responsable segundo modelo adxunto.

Cada colectivo deberá presentar a documentación que se lle precise, así como aterse ás instrucións de emerxencia que lles indiquen.

Os participantes deberán contar cun seguro de responsabilidade civil conforme ao apartado 3 da disposición terceira da lei 10/2017 de espectáculos públicos e actividades recreativas da Xunta de Galicia, que establece un importe mínimo de 150.000 €. O dito seguro, así como o recibo de pago correspondente, poderásese exixir durante o transcurso da actividade.



**FOLLA DE INSCRICIÓN
CONCURSOS ENTROIDO
RIBEIRA 2023**

Concurso de carrozas (debe achegarse coa
Declaración responsable)

Concurso de Murgas e Comparsas

Datos persoais

Persoa física ou entidade																					
NIF/CIF																					
Enderezo																					
Teléfono	Correo electrónico																				
Conta bancaria (a nome da persoa física ou entidade)																					
<table border="1"> <tr> <td>I</td> <td>B</td> <td>A</td> <td>N</td> <td></td> <td></td> <td></td> <td></td> <td></td> <td></td> <td></td> <td></td> <td></td> <td></td> <td></td> <td></td> <td></td> <td></td> <td></td> <td></td> </tr> </table>		I	B	A	N																
I	B	A	N																		

Concurso/s nos que desexa participar

Murgas e Comparsas:

	Denominación e disfrace ou temática da carroza	Nº de compoñentes e idades
<input type="checkbox"/> Murga Adulta		
<input type="checkbox"/> Murga Infantil		
<input type="checkbox"/> Comparsa Adulta		
<input type="checkbox"/> Comparsa Infantil		

Carrozas

Denominación	Disfrace ou temática da carroza
Amplificación carroza SI <input type="checkbox"/> NON <input type="checkbox"/>	Potencia en vatios
Precisa espazo de montaxe antes da hora de formación SI <input type="checkbox"/> NON <input type="checkbox"/>	Espazo necesario en m ²

Ribeira, de de

Nome, apelidos e NIF da persoa que asina como representante.



La autenticidad de este documento se puede comprobar con el código 07E7000F5DBB00G1U4O7Y1Y316 en la Sede Electrónica de la Entidad

FIRMANTE - FECHA

MANUEL RUIZ RIVAS(P1507400H-CONCELLO DE RIBEIRA)-ALCALDE PRESIDENTE - 09/01/2023
serialNumber=S2833002E,CN=Sello de tiempo TS@ - @firma,OU=Secretaría General de Administración Digital,O=Secretaría de Estado de Función Pública,C=ES - 09/01/2023 15:07:09

EXPEDIENTE ::
2023CONV000001

Fecha: 09/01/2023

Hora: 00:00

Und. reg: REGISTRO
GENERAL

CSV: 07E7000F5DBB00G1U4O7Y1Y316

